

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis


Schöpflin, Johann Daniel

Carolsruhae, 1765

CCCCXLII.

[urn:nbn:de:bsz:31-295125](https://nbn-resolving.org/urn:nbn:de:bsz:31-295125)

niglichen anhangendem Innsigel, Geben zu Antwerp am vierzehenden tag des Monats Octobris, nach Christi Geburthe Vierzehenhundert vnd im vier vnd neunzigsten, vnserer Reiche des Römischen im Neunten vnd des Hungrischen im fünften Jahren.



CCCCXLII.

CHARTA, QUA MAXIMILIANUS I. REX ROM. DONATIONEM A. MCCCCXCII. FACTAM CONFIRMAT, ET AUGET.

ANNO MCCCCXCIV.

Ex Authentico.

MAXIMILIEN par la grace de Dieu Roy des Romains tousjours auguste, Roy de Hongrie, de Dalmatie, Croatie, Archiduc d'Aufrice, Duc de Bourgoigne, de Loraine, de Brabant, de Steyer, de Kerndten, de Crain, de Lembourg, de Luxembourg, & de Gueldre, Conte de Flandre, de Habsbourg, de Tirol, de Pfirdt, de Kipurch, d'Artois, Conte Palatin de Hennault, de Hollande, de Zellande, de Namur, & de Zutphen, Marquis du Sainte Empire & de Burgauu, Lantgrave d'Elfat, Seigneur de Frize & de Liburnie, de Porstenaau, de Salins, & de Maline.

Cognoissons publicquement par ceste lettre, & manifestons à ung chascun que comme aucuns de nos inhabitans, gens de siefs & subjects

N n n 3

de nostre Duché de Luxembourg, se soient demontrez contre nous de-
fobeiffants, & en ce grandement transgressez, par quoy leurs Seigneu-
ries, & biens seroyent à nous confisquez, & escheus, que nous avons
tirez à nos mains, lesquels en parties (assçavoir la Seigneurie de Rut-
tich dicte Sainct Paul; item les biens dict Hillegroubgutter (a) une
partie de la Seigneurie de Fontois & de Berward, la Seigneurie Flo-
rchange, Rodemacher, Richemont, Ufeldange, Hesprenge, le Chat-
teau & Seigneurie de Bulandt) nous avons donnez en proprietez &
en partie laissé en fiefs à illustre Prince Christoph Marquis de Baden, &
Conte de Spanheim, nostre aimé Oncle, & Lieutenant General de nos
Pays de Luxembourg & Chiny &c. &c. au regard des fidele Services
que en plusieurs fortes il nous a fait & à illustre Prince Philippe Archi-
duc d'Austriche, & de Bourgogne nostre bien aimé fils que sont venuz
au bien grand proufit de nos deulx, de nos Pays & Subjects, & en par-
tie pour recompense des depens & domaiges par lui cependant foutenus,
aussy luy avons consenti, de pouvoir rachepter & tirer à foy la Sei-
gneurie de Pittanges, que par transgression de celuy de Crehanges est à
nous confisque, & qu'avons, vendu à noble nostre & de l'Empire feal
& bien aymé Fredericq Conte de Bitsche pour sa debte, le tout en suy-
vant nos lettres de donation & de consentement sur ce despeschées.

(a) Bona hæc, quæ Hill Henchim nobilis Luxenburgensis possederat, à
MAXIMILIANO I. Rege fisco quoque fuerant addicta, quod Hen-
chinus in Belgicis turbis contrarias ei partes præfracte secutus est. An-
te Henchinum bona illa in Johannis de Domariano, Gallicarum partium
equitis, manibus fuerunt, de quo egimus in CHRISTOPHORO I. ad
A. 1479.

Et avons de meure deliberation, & bon conseil, aussy de nostre propre mouvement & bon sçavoir; comme Roy des Romains benigne-ment confirmé, & ratifié au dict nostre Oncle & Prince Christoff Marquis & à ses hoirs & succeffeurs, nos dictes seigneurs de donation & de consentement, en tous & chacuns leurs mots, poinçts, clausules, articles, teneurs, raisons & comprehensions en mesme forte comme sy iceuls, totalement & ung chacun en particulier, de mot à mot estoient cy dedans par escrit, confirmons & ratifions iceulx de nostre aucthorité Royale, & amplitude Scientem. en vertu de cettes, ainisy que nous comme Roy des Romains de droict, hauteur ou de grace cela confirmer, & ratifier, pouvons & debvons & entendons, ordonnons & voulons d'icelle dicte nostre aucthorité Royale, & amplitude, que nos susdites lettres de donation & de consentement concernant lesdittes Seigneuries, & biens, soient & demeurent du tout efficaces, & vertueuses en tous & ung chascun leurs mots, poinçts, clausules, articles, teneurs, raisons & comprehensions. Et que d'iceulx le dit Christoffe Marquis, ses Hoirs & succeffeurs en aient & puissent d'ycy en avant user & jouir en tous lieux à leurs necessitez, vouloir & bon plaisir, sans empeschement de homme quelconque, sauf toutes fois à nous & au Saint Empire, que ne soit préjudiciable, ou damageable à nostre Royale hauteur, & droicture.

Nous avons aussy par cestes, octroyé & donné au dit Christoffe Marquis de Bade, à ses hoires, & succeffeurs ceste especiale grace & franchise, que tous ceulx qui maintenant ou à temps advenir, pretendront en general, ou especiale, avoir action ou droicture aux dessus dittes Seigneuries, & biens qu'ils chercheront & litigeront contre luy le

droict par devant nous seul, comme Roy des Romains, & nos Successeurs d'Empire, Empereus, & Roys des Romains & non aultre part, car sy ledit Christoffe Marquis où ses Hoires & successeurs, fussent outre cela par l'un d'iceulx, tiré, appellé ou cité en droit en quelque autre lieu, & parce y fut intenté, jugé, procedé & sententié, quelque chose contrevenant à eux, leurs Seigneuries, Fiefs, & biens sous quelle ombre que ce fut. tout cela debvera estre entierement de nulle valeur, comme dissoulu & de nul effect, & ne fera en rien préjudiciable à l'honneur, Seigneuries, Fiefs, & biens des adjournez, en maniere que ce soit, car le tout voulons nous en general & particuliere-ment dès maintenant comme alors & alors comme dès maintenant, leur anéantir & demettre par nostre ditte Auctorité Royale, & amplitude.

Sauf en tout tes, aultres voyes à nous, à nostre aymé fils & à nos Duché de Brabant & Luxembourg toute derogation & préjudice de nostre droict Seigneurial, & Haulteur, & afin que luy, ses hoires & Successeurs puissent tant plus magnifiquement estre maintenu esdites Seigneuries, Fiefs, & biens, & y demeurer, nous l'avons prins & receu avec lesdictes Seigneuries, Fiefs, & bien en nostre & du Saint Empire especial grace, paction, protection, & defension scientement en vertu de ceste lettre, ainsi qu'ils en ayent toutes & uns chacuns grace, franchises, privilegeis, honneurs, tribultons, droictts & toustumes, & d'icelles en debvoir & pouvoir jouir, user & proufiter, comme aultres ont & usent de droictts & de Coustume, estant en nostre & du Saint Empire especiale grace, paction, protection & defension sans obstacle de personne quelconque.

Et

Et mandons sur ce à tous & ung chascun Princes, Electeurs, Spirituels & temporels, Princes, Prelats, Contes, Barons, Seigneurs, Chevaliers, Serfs, Capitaines, Curateurs, Tuteurs, deservans, Schulteres, Burgemaistres, Justiciers, Conseillers, Bourgeois & communs, & en especial, à nos Princes, Oncles, Gouverneurs, Lieutenants, Presidents, Prevosts, & Officiers, & à tous aultres nos & du saint Empire subjects, & fidels de nos Pays de Brabant & Luxembourg, en quelle dignité, estat & condition ils soyent, de Romaine Auctorité Royale bien severement, & a certes par ceste lettre qu'ils ne perturbent & n'empeschent ledit nostre aymé Oncle & Prince Christoff Marquis de Bade, ses hoirs & successeurs en ceste nostre confirmation & ratification Royale, graces & franchises predictes, ains, que d'icelles & de nostre Royale paction, protection & défense, ils les en laissent fidellement & entierement user & proufiter, & outre ce ne les premerer, oultrai-ger, ny oppresser, mais de par nous & le saint Empire, les y ferme-ment ayder, maintenir, proteger & munir & ne aller au contraire de ce, ny a aultre permestre de le faire, en tant que en ung chacun attou- che, la nostre, & du St. Empire grande disgrace, & que à ce pour éviter une Amende à sçavoir de cinquante marcqs de fin or, la quelle ung chascun fera tenu payer sans remission, toutes fois que temeraire-ment usera au contraire, la demie partie en nostre chambre, & du Saint Empire, & l'aultre demi-part audit Christoff Marquis, ses Hoi- res, & Successeurs; En tesmoignage est ceste nostre lettre scellée de nostre Séaulx Royale y appandu, donnez à Anvers le dernier jour du mois d'Octobre 1494.